



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres**

**Tylkowski, Wojciech**

**Oliva, 1686**

In eodem festo.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

in lecto jacentem gravibus lignis obruunt à quibus se cum liberare non posset, conatus opem aliorum inelamare; ex quo didicit, illis qui se juvare non possunt, succurrendum esse. Torquentur illæ animæ gravissime, S. Bern. de obitu Humberti, putat pœnas purgatorii graviores centuplò quàm sint ullæ in mundo, S. Greg. majores tormentis Martyrum. S. Th. Christi suppliciiis, S. Anselm. omnibus in hoc vita possibilibus, S. Cæfarius, omnibus cogitabilibus. Multi Theologi affirmant non differre illas pœnas à pœnis inferni, hoc de pœnis sensus, quid de pœna damni, quæ adhuc est gravior? Monet autem Jo. Euseb. Nieremberg. de gratia l. 3. c. 10. Satisfactionem non acceptari à DEO si quis illam faciat existens in peccato mortali, sed cum aliquis est in gratia, pondus ejus meritorum attollit, ut si obolus attolleretur ad valorem millium, & ita modico labore possumus exolvere illorum ingens debitum, quod animæ in purgatorio solvendum habent, si sumus in gratia.

### In Festo S. Stanislai Kostka.

**H**IC Beatus videtur similis nubeculæ quæ instar vestigii hominis apparuit Elisæo, magnam tamen adduxit pluviam. Videtur similis lapillo Danielis de monte abscisso qui statuum contrivit, & ipse in montem excrevit. Similis puero illi quem Christus in medio discipulorum statuit Matth. 18. De hoc sui patriotæ possunt dicere quod Joseph de Benjamin.

### De Eodem.

**C**ONSTAT quòd Beatum Virgo jussit Societatem JESU ingredi, in obediendo huic præcepto non minus fecit quam Abraham circa Isaacum, quia seipsu immolavit, in  
 N 2 præmi-

præmium dedit DEUS Abrahæ literam de suo nomine, ille qua S. Hieron. *Literam de suo nomine communicari voluit DEUS cum nomine Abraham, ut ostenderet se non solum bona sua impartiturum ei, sed etiam seipsum.* Beato totum nomen suum imposuit, & supra pectus Matris gravidæ illud depinxit, & in aëre supra infantem intra fascias jacentem exhibuit, & jam tunc dicere cum Paulo poterat. *Benedictus DEUS qui nos vocavit in Societatem Domini nostri JESU Christi.* Nomen JESU est tantum ut DEUS Pater illud in præmium laborum Christo dederit. *Humiliavit semetipsum, &c. Propter quod DEUS dedit illi nomen quod est supra omne nomen, ut in nomine JESU omne genu flectatur.* Sine dubio & Beato cum hoc dedit hujus nominis esse socium, multa contulit. *Pf. 22. Deduxit me super semitas justicie propter nomen suum.* Euthymius & Nicephor. legunt. *Propter hoc quod nomine DEI vocor, tot videlicet in me DEUS beneficia concessit.* Certè in præmium dabitur in cælo nomen nostrum, quod illud? Hugo Cardin. in Apoc. 2. ex sententia Ludolphi Carthus. *In gloria cælesti ab ipso JESU dicemur Jesuita.* In hoc nomine etiam oportebit non unum flecti genu eo modo quem Dion. Areopag. de S. Hierorch. c. 7. explicat juxta translationem Ambrosii Camaldulen. *Eadem quoque ratione, JESU felicissimâ Societate dignatus, intelligendum non quod ex fidelis imaginibus aut formis, illa Deificam similitudinem nitantur exprimere, sed quod illis Divina imitatio excellentiarum modo donata sit, communicantque quantum par est Deificis ipsius, benignissimisque virtutibus.* In nomine JESU omne genu flectitur, ad similitudinem istius & Stanislae flectitur. Fugantur dæmones, terra mortuos reddit, &c. Christi imperium, unde oritur dicta adoratio. Describit *Pf. Reges eos in virga ferrea & tanquam vas figuli confringes eos.* Quod Arnobius ita explicat. *Reges Gentes in virga quasi ferrea, non enim cedet fortibus mundi, nec miserorum despiciet facies: iram venturam contemp-*

poribus

provis pollicetur, scilicet vasculis comminatur interitum. An non similia Beatus? Non cedit vivus furori Patris, mortuus exaudit, & in suos contempores est severus, fragiles ad poenitentiam conterit. Fratrem monita aspernantem in sua vita sustinet. S. Pacianus Parænesi ad Poenitentiam, de spernentibus monita, dicit. *Ulcæ enim maxime solet fatere si moveas, ita illi.* Quæ non passus à Fratre? sed ut Nazianz. orat. de moderat. in disput. dixit. *Tu qui spirituali illo unguento (nomine JESU) delibutus es, fraterni factoris nonnihil perfer, sive verus sit ille factor, sive ita tibi videatur, ut illi vecissim boni tui odoris aliquid impercias.* Impertit, in virum sanctum mutavit Fratrem. Ita feceret antea Christus quem timebat Martha invitare ad Lazarum, quia jam fætebat, sed Chrysol. serm. 65. *Quod proditori fætet, non fætet Creatori.* Habuit adversarios Christus, habet ejus Societas, habet Beatus qui illum jam mortuum ab ea extrahere volunt, sed illis dicere potest quod Optatus Milevitanus lib. 7. adit. Parmenianum. *Aliqui vestrum volentes nos populis suis contemnendos ostendere, illud miscnt tractatibus suis, quod à Salomone dictum est Eccles. 10. Muscæ morituræ exterminant olei suavitatem, & quasi muscæ morituras nos appellant, sed dum vos invidiæ tempestatibus impulsæ in oleum caditis vos ipsos exterminatis, non suavitatem illius olei quod in nomine Christi confectum est, unde condirentur mores, unde incenderetur lumen mentis ad salutarem & veram intelligentiam, vos exterminatis rem ubi oleum fuit & suavitas.* Orat Beatus in cælo pro Patria quæ sæpè vim precum ejus experta, orat etiam pro sua Societate, Isai. 64. juxta lectionem Procopii. *Nostri miserere quos nomen tuum exornat. Hereditas tua nuncupamur, id ergo nomine tuo largire* (orat pro toto Ecclesia) *ut apud Gentes non blasphemetur.* Ezech. 47. *Stabunt piscatores ab Engaddi usque ad Engallin.* Patria hic nostra descripta. Engaddi idem est, atque fons hædi, Engallin idem ac fons vitulorum. Alexander Magn. Græcos repræsentat,

sentat, & pro stemmate hædum habuit. Judæi ad vituli adorationem sæpè redibant, in has duas Gentes totum orbem distinxit Paulus Rom. 10 *Non est distinctio Græci & Judæi.* Inter nationes Barbaras & Christianas non Catholicas sita est Polonia. Ora Beate, ut ita vivat, ne nomen DEI occasio-  
ne illius blasphemetur, ora ita bellet, ut agnoscant,  
quia nomen DEI, Christi, sunt Catho-  
lici, est in ea.

*F I N I S.*



IN.